

Na osnovu člana 7. tačke b) i f) i člana 21. stav 2. Zakona o Centralnoj banci Bosne i Hercegovine („Službeni glasnik BiH“, br. 1/97, 29/02, 8/03, 13/03, 14/03, 9/05, 76/06 i 32/07) i člana 49. stav 2. Pravilnika Centralne banke Bosne i Hercegovine, br. UV-104-01-1-116/15 od 28.12.2015. godine, UV-122-01-1-1045-11/21 od 28.04.2021. godine i UV-104-01-1-1425-15/21 od 29.06.2021. godine, Upravno vijeće Centralne banke Bosne i Hercegovine na 15. sjednici održanoj dana 28.11.2022. godine, donosi

## **IZMJENE ETIČKOG KODEKSA CENTRALNE BANKE BOSNE I HERCEGOVINE**

### **Član 1.**

U Etičkom kodeksu Centralne banke Bosne i Hercegovine, broj: UV-104-01-1-1587-8/21 od 27.07.2021. godine, u članu 3. stavu (1) tačke g), h) i i) mijenjaju se i glase:

”g) **Predstavnik ugovornog organa u postupku javne nabavke** – guverner, član Upravnog vijeća, službenik koji učestvuje u izradi tehničkih specifikacija i drugih zahtjeva koje moraju ispunjavati ponuđači, predsjednik i član komisije za nabavku i lice koje u okviru svojih nadležnosti i ovlaštenja odobrava i/ili predlaže sadržaj tenderske dokumentacije, ocjenjuje ponude ili predlaže odabir dobavljača kao i druga lica koja su uključena u provođenje ili koja mogu uticati na odlučivanje ugovornog organa u postupku javne nabavke;

h) **Članovi uže porodice** – bračni i vanbračni partneri, bez obzira da li je brak prestao, dijete (bračno, vanbračno, usvojeno, pastorče i dijete bez roditelja uzeto na izdržavanje), roditelji, očuh, maćeha, usvojenik, usvojenik, djed i baka (po ocu i majci), brat, sestra;

i) **Povezana lica** – fizička i pravna lica koja su međusobno povezana vlasništvom nad poslovnim udjelom, dionicama, odnosno drugim pravima na osnovu kojih učestvuju u upravljanju, odnosno u kapitalu tog privrednog subjekta s više od 0,5%, ili na drugi način povezana radi postizanja zajedničkih poslovnih ciljeva. Pod povezanim licima smatraju se i članovi uže porodice iz prethodne tačke.”

### **Član 2.**

Član 27. mijenja se i glasi:

”Član 27.

(Vanjske aktivnosti)

(1) Za vrijeme trajanja radnog odnosa odnosno mandatnog perioda u Centralnoj banci, službenici i imenovana lica mogu obavljati vanjske aktivnosti pod uslovima i na način koji je propisan Etičkim kodeksom i Uputstvom koje donosi Upravno vijeće.

(2) Vanjske aktivnosti imenovanih lica i službenika Centralne banke dozvoljene su ukoliko one ne utiču na profesionalno i odgovorno obavljanje poslova radnog mjesta, ukoliko se njima ne stvara konkurencija poslodavcu i ukoliko ne dovode do nastanka situacije sukoba interesa.

(3) Uslovi po kojima imenovana lica i službenici Centralne banke mogu obavljati vanjske aktivnosti, način podnošenja zahtjeva za vanjske aktivnosti, ovlaštenje za davanje saglasnosti odnosno način postupanja po zahtjevu, detaljnije se uređuje Uputstvom iz stava (1) ovog člana.”

### **Član 3.**

U članu 29. stav (4) mijenja se i glasi:

”(4) Predstavnik ugovornog organa u postupku javne nabavke koji se vodi za potrebe Centralne banke, dužan je neposredno nadređenog službenika, Odjeljenje za ljudske resurse ili glavnog stručnjaka obavijestiti o svakom potencijalnom ili stvarnom sukobu interesa, do kojeg dođe tokom njegovog rada, radi poduzimanja daljih aktivnosti. Obavješćavanje se vrši u skladu sa odredbama Zakona o javnim nabavkama, kroz periodično dostavljanje izjave o postojanju ili nepostojanju sukoba interesa.”

### **Član 4.**

Član 30. mijenja se i glasi:

”Član 30.

(Izjava o ličnim interesima)

(1) U svrhu provjere postojanja potencijalnog ili stvarnog sukoba interesa, članovi Upravnog vijeća dostavljaju glavnom stručnjaku, izjavu o okolnostima koje mogu predstavljati potencijalni ili stvarni sukob interesa.

(2) Članovi Upravnog vijeća podnose prijavu iz stava (1) ovog člana u roku od 30 dana od početka primjene ovih izmjena Etičkog kodeksa, a novoimenovani članovi Upravnog vijeća, u roku od 30 dana od imenovanja, odnosno u roku od 30 dana od dana nastanka promjene podataka datih u izjavi.

(3) Izjava sadrži sljedeće podatke:

- a) Informacije o imenovanom licu, kao i članovima njegovog domaćinstva,
- b) Podatke o nekretninama u vlasništvu,
- c) Podatke o drugim prihodima koje ostvaruje izvan Centralne banke,
- d) Podatke o pokretnoj imovini u vlasništvu, pojedinačne vrijednosti iznad 25.000 KM,
- e) Podatke o dugovima, jamstvu, sudužništvu, kreditima, pojedinačne vrijednosti iznad 25.000 KM,
- f) Podatke o vlasništvu nad poslovnim udjelom, dionicama, odnosno drugim pravima na osnovu kojih učestvuju u upravljanju, odnosno u kapitalu tog privrednog subjekta s više od 0,5%,
- g) Podaci o vlasništvu nad drugim vrijednosnim papirima, ukoliko njihova ukupna vrijednost prelazi 25.000 KM.

(3) Izjava iz stava (1) ovog člana je data u obrascu br. 1. koji čini prilog i sastavni dio ovih izmjena Etičkog kodeksa.

(4) Podaci dati u izjavi predstavljaju lične podatke i štite se u skladu s važećim propisima o zaštiti ličnih podataka.”

### **Član 5.**

U članu 31. u stavu (2) na kraju rečenice broj „3“ zamjenjuje se brojem „2“.

**Član 6.**

**(Stupanje na snagu i početak primjene)**

Ove izmjene Etičkog kodeksa stupaju na snagu osmog dana od dana objavljivanja na intranet stranici Centralne banke, a primjenjivaće se od 15.12.2022. godine

Broj: UV-122-01-1-2029-18/22  
Sarajevo, 28.11.2022. godine

Predsjedavajući  
Upravnog vijeća Centralne banke  
Bosne i Hercegovine  
dr. Senad Softić

**IZJAVA O LIČNIM INTERESIMA****PODACI O IMENOVANIM LICIMA – za članove Upravnog vijeća**

Ime i prezime	
Pozicija	
Vaš trenutni angažman/zaposlenje (naziv funkcije/radnog mjesta i pravnog lica gdje ste angažovani u momentu imenovanja za člana Upravnog vijeća CBBiH)	

**PODACI O ČLANOVIMA UŽE PORODICE**

(Potrebno je navesti podatke o svim članovima domaćinstva (član 3. tačka h) Kodeksa):

Odnos/veza (npr. bračni drug, dijete, brat, sestra, otac, majka, itd.):\*

Podaci o angažmanu/zaposlenju – naziv pravnog lica/institucije/udruženja/ javnog preduzeća/ ustanove i sl., gdje je član domaćinstva angažovan/zaposlen

---



---



---



---



---



---



---



---



---



---

*Napomena\*: nije potrebno da navodite puno ime i prezime člana domaćinstva. U svrhu prevencije sukoba interesa, dovoljno je navesti u kojem ste odnosu sa tom osobom.*

**PODACI O NEKRETNINAMA**

(Potrebno je navesti sve nekretnine u vlasništvu davaoca izjave ili one na kojima ima stanarsko pravo):

Opis i veličina nekretnine	1.
	2.
	3.
	4.

	5.
Lokacija	1. 2. 3. 4. 5.
Način sticanja	1. 2. 3. 4. 5.
Vrijednost	1. 2. 3. 4. 5.

#### PODACI O POKRETNJOJ IMOVINI

*(Potrebno je navesti svu pokretnu imovinu čija je pojedinačna vrijednost iznad 25.000 KM):*

Opis pokretne imovine	1. 2. 3. 4. 5.
Način sticanja	1. 2. 3. 4. 5.
Vrijednost	1. 2. 3. 4. 5.

#### PODACI O PRIMANJIMA

*(Navedite sva primanja (prihode) koje ostvarujete izuzev prihoda po osnovu zaposlenja/imenovanja u Centralnoj banci):*

Vrsta prihoda (plata, naknada isl.) i podaci o isplatiocu	1. 2. 3. 4. 5.
---	----------------------------

Iznos	1. 2. 3. 4. 5.
Period u kojem ostvarujete prihod	1. 2. 3. 4. 5.

#### PODACI O DUGOVIMA, JAMSTVU, SUDUŽNIŠTVU I KREDITIMA

Opis obaveze	Naziv povjerioca	Ukupna vrijednost obaveze KM u	Godina zaduženja	Rok vraćanja

#### PODACI O VLASNIŠTVU NAD DIONICAMA ILI UDJELIMA U PRAVNIM LICIMA

*(Potrebno je navesti sve podatke o vlasništvu nad dionicama ili udjelima u drugim pravnim licima, koja prelaze 0,5% ukupnog udjela u upravljanju ili kapitalu tog pravnog lica):*

Naziv pravnog lica	Vrijednost udjela	Vlasnik udjela (lično ili član domaćinstva*)

*\*Napomena: potrebno je da navedete sva vlasništva nad udjelima ili dionicama za sebe lično i za članove domaćinstva iz čl. 3 tačka h) Kodeksa.*

*Za članove domaćinstva ne navode se lična imena, nego samo odnos koji imate s istom.*

#### PODACI O VLASNIŠTVU NAD DRUGIM VRIJEDNOSNIM PAPIRIMA

*(Potrebno je navesti podatke o vlasništvu nad drugim vrijednosnim papirima (VP), ukoliko njihova ukupna vrijednost prelazi 25.000 KM):*

Vrsta (opis) VP	Vrijednost	Vlasnik udjela (lično ili član domaćinstva*)

*\*Napomena: potrebno je da navedete sva vlasništva nad VP za sebe lično i za članove domaćinstva. Za članove domaćinstva ne navode se lična imena, nego samo odnos koji imate s istom.*

## **IZJAVA O TAČNOSTI I POTPUNOSTI PODATAKA**

Potpisani

- Potvrđujem da su informacije navedene u ovoj izjavi tačne i potpune,
- Potvrđujem da ću odmah obavijestiti glavnog stručnjaka o svim promjenama podataka iz ove izjave, s ciljem procjene i upravljanja sukobom interesa.

Datum:

Potpis:

*Obrazloženje o obradi i zaštiti ličnih podataka:*

*Centralna banka BiH obrađivaće lične podatke sadržane u ovoj izjavi isključivo u svrhu procjene sukoba interesa u skladu s Etičkim kodeksom Centralne banke Bosne i Hercegovine. Svi lični podaci službenika/imenovanih lica će biti zaštićeni u skladu s propisima koji definišu zaštitu ličnih podataka.*

*Službenici/imenovana lica u svakom momentu imaju pravo pristupa svojoj izjavi kao i zahtijevanju izmjene ili brisanja ličnih podataka koji su se izmijenili.*

*Ova izjava neće biti javno objavljena niti dostupna trećim licima.*